

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška dijela sredstava utvrđenih u razdjelu 17. Budžeta Federacije Bosne i Hercegovine za 2015. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije javnim preduzećima za uplatu doprinosa za PIO/MIO u svrhu penzionisanja zaposlenika“, („Službene novine Federacije BiH“, broj 52/15), Federalno ministarstvo energije, rudarstva i industrije o b j a v l j u j e

**JAVNI POZIV
ZA KANDIDOVANJE PROGRAMA UTROŠKA DIJELA SREDSTAVA UTVRĐENIH
U RAZDJELU 17. BUDŽETA FEDERACIJE BOSNE I HERCEGOVINE ZA 2015.
GODINU FEDERALNOM MINISTARSTVU ENERGIJE, RUDARSTVA I
INDUSTRIJE „TEKUĆI TRANSFERI I DRUGI TEKUĆI RASHODI - SUBVENCije
JAVNIM PREDUZEĆIMA ZA UPLATU DOPRINOSA ZA PIO/MIO U SVRHU
PENZIONISANJA ZAPOSLENIKA“**

I. PREDMET POZIVA

Predmet poziva je prikupljanje zahtjeva za odabir korisnika grant sredstava, u skladu sa Programom utroška dijela sredstava utvrđenih u razdjelu 17. Budžeta Federacije Bosne i Hercegovine za 2015. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije javnim preduzećima za uplatu doprinosa za PIO/MIO u svrhu penzionisanja zaposlenika“ (u daljem tekstu: Program), („Službene novine Federacije BiH“, broj 52/15).

II. PRAVO UČEŠĆA

Pravo učešća na Javnom pozivu imaju preduzeća sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sljedećim sektorima industrijske proizvodnje:

- Metalna, elektro i automobilska industrija,
- Građevinska industrija,
- Drvna i papirna industrija,
- Proizvodnja tekstila, kože i obuće,
- Hemijska industrija i industrija gume i plastike i
- Namjenska industrija,

te da zapošljavaju najmanje 20 zaposlenika.

III. SVRHA POZAJMLJIVANJA SREDSTAVA

Svrha dodjele grant sredstava je izmirenje dugovanja preduzeća za neplaćene doprinose samo po osnovu PIO/MIO zaposlenicima koji ostvaruju uslove za penzionisanje do kraja budžetske 2015. godine, a istima nije plaćen radni staž.

Pozajmljivanje sredstava vrši se u cilju rješavanja socijalnog statusa zaposlenika, kroz penzionisanje.

IV. KRITERIJI ZA IZBOR KORISNIKA

Korisnici sredstava po ovom Programu su javna preduzeća, preduzeća sa većinskim državnim kapitalom, odnosno preduzeća u čijem osnovnom kapitalu je državni kapital zastupljen sa više od 50%, sa sjedištem u Federaciji Bosne i Hercegovine i čija je primarna djelatnost definisana djelatnostima proizvodnje u sektorima navedenim u poglavlju II Javnog poziva.

Kriteriji za izbor korisnika sredstava su:

1. Teritorijalna zastupljenost – (zastupljenosti krajnjih korisnika grant sredstava s cijelog područja Federacije Bosne i Hercegovine, odnosno kantona);
2. Preuzete obaveze Vlade Federacije Bosne i Hercegovine po potpisanim ugovorima kojima se definiše rješavanje pitanja uvezivanja staža kroz uplatu doprinosa za PIO/MIO;
3. Broj zaposlenih - (preduzeće koje podnosi zahtjev za dodjelu sredstava i ima veći broj zaposlenih od drugih preduzeća, ima prednost u slučaju kada su zadovoljeni svi kriteriji po Programu i Javnom pozivu);
4. Broj zaposlenih koji će ovim Programom biti penzionisani - (preduzeće koje podnosi zahtjev za dodjelu sredstava uz pomoć kojih će veći broj zaposlenika biti penzionisan ima prednost u slučaju kada su zadovoljeni svi kriteriji po Programu i Javnom pozivu);
5. Tokom formiranja liste sa imenima zaposlenika iz istog preduzeća, a koji ostvaruju pravo po ovom Programu, prednost će imati zaposlenik sa ranijim datumom sticanja prava na penziju.

V. SREDSTVA PREDVIĐENA ZA POZAJMLJIVANJE

Sredstva za provedbu ovog Javnog poziva su grant sredstva Federalnog ministarstva energije, rudarstva i industrije (u daljem tekstu: Ministarstvo) i utvrđena su u razdjelu 17, ekonomski kod 614, Budžeta Federacije Bosne i Hercegovine za 2015. godinu.

Budžetom Federacije Bosne i Hercegovine u 2015. godini, Ministarstvu, u Razdjelu 17, „Tekući transferi i drugi tekući rashodi - Subvencije javnim preduzećima za uplatu doprinosa za PIO/MIO u svrhu penzionisanja zaposlenika“ obezbijeđeno je ukupno sredstava u iznosu od 600.000,00 KM.

VI. TRAJANJE PROGRAMA

Program traje do utroška sredstava.

VII. PROVOĐENJE PROGRAMA

Zahtjev za prijavu na Javni poziv, potencijalni korisnici grant sredstava trebaju dostaviti uz sljedeću dokumentaciju:

- Zahtjev za dodjelu grant sredstava,

- Spisak zaposlenika koji su ostvarili uslove za odlazak u penziju usaglašen sa podacima iz Federalnog Zavoda PIO/MIO, sa datumom sticanja tog prava (najkasnije do 31.12. 2015. godine) i iznosom duga samo na osnovu PIO/MIO, ovjeren i potpisan od strane nadležnog lica preduzeća i Federalnog Zavoda PIO/MIO,
- Rješenje o registraciji sa svim izmjenama i dopunama,
- Aktuelni izvod iz u sudskog registra (ne stariji od 30 dana),
- Statut i odluka/akt o osnivanju,
- Uvjerenje o poreznoj registraciji kod Porezne uprave – ID broj,
- Uvjerenje o registraciji obveznika poreza na dodanu vrijednost – PDV broj,
- Obavjest nadležnog zavoda za statistiku o razvrstavanju prema djelatnosti,
- Lične karte i CIPS potvrde o prebivalištu lica ovlaštenih za zastupanje,
- Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 20 zaposlenika),
- izjavu sačinjenu i potpisanu od strane odgovornog lica preduzeća, ovjerenu od nadležnog organa, kojom se preduzeće obavezuje da će po odobrenju grant sredstava izvršiti uplatu zaostalih sredstava na osnovu ostalih doprinosa i to za zaposlenike za koje se traže grant sredstva,
- izjavu kojom preduzeće dokazuje da u prethodne tri fiskalne godine nije bilo korisnik grant ili kreditnih sredstava, a ukoliko jeste, izjavom treba obavijestiti Ministarstvo o drugim vrstama državne pomoći koje je dobilo u prethodnom trogodišnjem fiskalnom periodu sa svih nivoa vlasti (grant sredstva, kreditna sredstva sa subvencionisanom kamatnom stopom, garancije itd.) * i
- Ostala dokumentacija u skladu sa zahtjevima Ministarstva, kao i dokumenti za koje klijent smatra da su interesantni.

Napomena: Zahtjev za dodjelu grant sredstava kao i izjava (označena sa: *) mogu se preuzeti na web stranici Ministarstva (www.fmeri.gov.ba).

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava.

Postupak dodjele grant sredstava predstavlja sveobuhvatni postupak odabira zahtjeva za dodjelu sredstava i sastoji se od slijedećih faza:

1. faza - Zaprimanje zahtjeva
2. faza - Administrativna provjera formalne ispravnosti dostavljenih zahtjeva
3. faza – Odluka o izboru korisnika grant sredstava, koja se dostavlja Vladi Federacije BiH na odlučivanje i objavljuje u „Službenim novinama Federacije BiH“ i na web stranici Ministarstva
4. faza – potpisivanje Ugovora o dodjeli grant sredstava

Neuspješni podnosioci zahtjeva za dodjelu grant sredstava po svim fazama će biti obaviješteni u pisanom obliku, a razloge odbijanja mogu dobiti u pisanom obliku na vlastiti zahtjev koji podnose Ministarstvu.

VIII. KANDIDOVANJE PROGRAMA

Pismeni zahtjev za dodjelu sredstava sa potrebnom dokumentacijom po Javnom pozivu, uvezan i poredan po tačkama Javnog poziva, podnosi se Ministarstvu na memorandumu društva, ovjerenom i potpisanom od strane osobe ovlaštene za zastupanje sa naznakom iz kojeg se industrijskog sektora traže sredstva (Metalna, elektro i automobilska industrija; Građevinska industrija; Drvena i papirna industrija; Proizvodnja tekstila, kože i obuće; Hemijska industrija i industrije gume i plastike, Namjenska industrija). Podnositelj po predmetnom Javnom pozivu dodjele grant sredstava može podnijeti u toku važeće, budžetske godine, više od jednog zahtjeva samo ukoliko mu po prethodnom zahtjevu nisu odobrena kreditna sredstva.

Postupak dodjele obuhvata razdoblje od predaje zahtjeva do donošenja konačne odluke o predmetnom zahtjevu o čemu se podnosilac zahtjeva obavještava pismenim putem. Iz navedenog proizilazi, između ostalog, da podnosilac zahtjeva ne može podnijeti više zahtjeva istovremeno po ovom Javnom pozivu.

Napomena: U slučaju da podnosilac zahtjeva podnese novi zahtjev za dodjelu grant sredstava po ovom Javnom pozivu, dok je prvobitno zaprimljeni zahtjev još u postupku dodjele, novi zahtjev sa dokumentacijom će biti vraćen podnositelju zahtjeva i neće biti uključen u postupak dodjele.

IX. PRIPREMA

Zahtjevi za dodjelu grant sredstava sa odgovarajućim priložima i dokumentacijom iz poglavlja VII Javnog poziva, dostavljaju se preporučeno poštom ili lično u zapečaćenoj, neprovidnoj koverti na adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po Javnom pozivu za kandidovanje Programa utroška dijela sredstava utvrđenih u razdjelu 17. Budžeta Federacije Bosne i Hercegovine za 2015. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije javnim preduzećima za uplatu doprinosa za PIO/MIO u svrhu penzionisanja zaposlenika“ .

Na poleđini koverta obavezno navesti naziv podnosioca zahtjeva, adresu i kontakt telefon i ovjeriti pečatom.

Podnosilac zahtjeva može izmijeniti ili povući svoj zahtjev, a Ministarstvo mora o tome biti obaviješteno u pisanoj formi. Osim toga, na koverti u kojoj se nalazi obavještenje o izmjeni ili povlačenju zahtjeva ponuđača treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Odluke o izboru korisnika dijela sredstava utvrđenih u razdjelu 17. Budžeta Federacije Bosne i Hercegovine za 2015. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije javnim preduzećima za uplatu doprinosa za PIO/MIO u svrhu penzionisanja zaposlenika“ se objavljuju u „Službenim novinama Federacije BiH“ i na službenoj web stranici Ministarstva.

Nepotpune i neblagovremene prijave neće biti uzete u razmatranje.

Pitanja u vezi sa Javnim pozivom mogu se slati putem e-pošte na sljedeće adrese:

amela.mikulic@fmeri.gov.ba

jelena.trutina@fmeri.gov.ba

bibica.duzevic@fmeri.gov.ba

Odgovori na postavljena pitanja će se objavljivati na web stranici Ministarstva u roku od 7 dana.

Više informacija vezanih za dostavu dokumentacije i podnošenje zahtjeva za dodjelu sredstava, mogu se vidjeti u Programu utroška dijela sredstava utvrđenih u razdjelu 17. Budžeta Federacije Bosne i Hercegovine za 2015. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije javnim preduzećima za uplatu doprinosa za PIO/MIO u svrhu penzionisanja zaposlenika“, objavljenom na službenoj internet stranici Federalnog ministarstva energije, rudarstva i industrije: www.fmeri.gov.ba